



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-068-4/25**
Datum: **12.03.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BINGO“ d.o.o. Tuzla, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekata repro centra-odgoj roditeljskih jata i proizvodnju rasplodnih jaja, izgrađenih u naselju Vukovije Gornje, općina Kalesija, na osnovu 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „BINGO“ d.o.o. Tuzla, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada objekata repro centra-odgoj roditeljskih jata i proizvodnju rasplodnih jaja, izgrađenih u naselju Vukovije Gornje, općina Kalesija, kapaciteta 33.000 pilenki (11.000 u odgojnom jatu i 22.000 pilenki za proizvodnju rasplodnih jaja), na zemljištu označenom kao k.č. broj: 251 K.O. Jeginov Lug, Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik „BINGO“ d.o.o. Tuzla, izgrađene objekte sa pratećim sadržajima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekata i opreme repro centra-odgoj roditeljskih jata i proizvodnju rasplodnih jaja vrši u izgrađenoj vodonepropusnoj sabirnoj jami bez preliva.
 - 3.3. Čišćenje sabirnih jama i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent i prije spajanja sa ostalim vodama na lokaciji, zadovoljio granične vrijednosti emisije definisane u Prilogu 1. tabeli 1.1. kolona 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispuštima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. i Prilog 2. tabela 2.2. Uredbe o uslovima ispuštanja otpadnih voda u okoliš i sisteme javne kanalizacije. Obavezno vršiti ispitivanja specifičnih parametara u skladu sa predmetnom industrijom. Rezultate analiza dostaviti ovoj Agenciji.

Izvjешtaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.6. Ukoliko Vlada kantona propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac.

- 3.7. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.8. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Otpad koji nastaje u postupku rada repro centra-odgoj roditeljskih jata i proizvodnju rasplodnih jaja, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.11. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme koka nosilja, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.12. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.13. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „BINGO“ d.o.o. Tuzla zahtjevom broj: 682/25 od 12.02.2025. godine obratio se ovoj Agenciji, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekata repro centra-odgoj roditeljskih jata i proizvodnju rasplodnih jaja, izgrađenih u naselju Vukovije Gornje, općina Kalesija, kapaciteta 33.000 pilenki (11.000 u odgojnom jatu i 22.000 pilenki za proizvodnju rasplodnih jaja), na zemljištu označenom kao k.č. broj: 251 K.O. Jeginov Lug, Kalesija.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka o registraciji broj: 032-0-Reg-25-000069 od 23.01.2025 godine izdato od strane Općinskog suda u Tuzli-ovjerena kopija,
- Ovjerena kopija Uvjerjenja o poreznoj registraciji izdatog dana 05.02.2013. godine od strane Porezne uprave Federacije BiH-Kantonalni porezni ured Tuzla,
- Uvjerjenje o registraciji/upisu u Jedinstveni registar obveznika neizravnih poreza broj: 04/1-17-1-UPJR/1-1558-2/13 od 10.05.2013 godine, izdatog od strane Uprave za indirektno-neizravno oporezivanje Banja Luka-ovjerena kopija,
- Rješenje o vodnoj dozvoli broj: UP-1/21-3-40-064-4/20 od 24.02.2020. godine izdato od strane «Agencije za vodno područje rijeke Save» Sarajevo,
- Rješenje o okolinskoj dozvoli broj: 12/01-1-19-025313/23 od 16.10.2023 godine izdato od strane Ministarstva prostornog uređenja i zaštite okolice Tuzlanskog kantona,
- Rješenje o naknadnom odobrenju upotrebu za izgrađeni proizvodno-poslovni objekat broj: 02/2-1-19-4-599 od 10.04.2020 godine izdato od strane Službe za prostorno uređenje, geodetske i imovinsko-pravne poslove, Općina Kalesija,
- Ugovor o pružanju usluga-distribuciju vode broj: 7-114.1-487/19 od 28.10.2019 godine zaključen između „BINGO“ d.o.o. Tuzla i JP „Vodovod i kanalizacija Kalesija“ Kalesija,
- Izjava o izvedenim radovima na unutrašnjoj i vanjskoj instalaciji broj: 0131/20 od 31.01.2020 godine od strane „Hidromont“ Srebrenik –preduzeće za promet i izvođenje svih vodovodnih radova,
- Račun o čišćenju separatora i zbrinjavanju opasnog otpada broj: 00186/25 od 13.02.2025 godine izdat od strane „Kemeko-BH“ d.o.o. Lukavac,
- Ugovor o pružanju usluga zbrinjavanja otpadnih voda od 12.11.2019 godine zaključen sa JP „Vodovod i kanalizacija“ d.o.o. Živinice,
- Ugovor o pružanju usluga broj 02-31/20 od 21.02.2020 god. zaključen sa JP „ Veterinarska stanica „ d.o.o. Kalesija,
- Dokaz o uplaćenju upravnoj taksi na zahtjev.

B. Tehnička dokumentacija

- Glavni projekat vanjskih hidroinstalacija sa tretmanom i zbrinjavanjem otpadnih voda kompleksa repro centra-odgoj roditeljskih jata i proizvodnju rasplodnih jata, pravnog lica „BINGO“ d.o.o. Tuzla urađen od strane „Rudarski institut“ d.d. Tuzla februar 2019 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-068-2/25 od 10.02.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

- Lokacija izgrađenih objekata za odgoj roditeljskih jata i proizvodnju rasplodnih jata se nalazi u naselju Vukovije Gornje, općina Kalesija, na zemljištu označenom kao k.č. broj: 251 K.O. Jeginov Lug, općina Kalesija. Kapacitet objekata repro centra- odgoj roditeljskih jata i eksploatacionih objekata za proizvodnju rasplodnih jata je 33 000 pilenki (jedna hala za odgojno jato kapaciteta 11000 pilenki i dvije hale za proizvodnju rasplodnih jata kapaciteta 22000 pilenki).
- U neposrednoj blizini lokacije nalazi se rijeka Gribaja. Na predmetnoj lokaciji je izvršeno nasipanje te ista je uzdignuta u odnosu na rijeku Gribaju a u cilju zaštite od poplava i dopiranj velikih voda ranga pojave 1/100.
- Izgrađeni poslovni objekat repro centar-odgoj roditeljskih jata i eksploatacioni objekat-proizvodnju rasplodnih jata se nalaze u III zoni zaštite izvorišta „Krušik“.
- Predmetna lokacija se nalazi izvan granica urbanog naselja. Na užem području predmetnog kompleksa nema izgrađene kanalizacione mreže.
- Snabdijevanje vodom za potrebe predmetnih objekata je obezbijeđeno priključkom na gradski vodovodni sistem JP „Vodovod i kanalizacija“ d.o.o. Kalesija.
- U postupku rada poslovnog objekta repro centra-odgoj roditeljskih jata i proizvodnju rasplodnih jata, nastaju tehnološke otpadne vode od pranja opreme i prostora koje se zbrinjavaju u tri vodonepropusne sabirne jame bez preliva. Pražnjenje jame se vrši od strane ovlaštene firme prema sklopljenom ugovoru.

- Kruti otpad iz objekata se direktno utovara na prevozna sredstva te preuzima od strane firme „GOLD-MG“ d.o.o. Donji Žabar.
- Oborinske onečišćene vode sa radnih platoa i internih saobraćajnica se prikupljaju sistemom slivnika i kanalizacije te odvođe na dva separatora masti, ulja i naftnih derivata. Prečišćena voda se preko okna za monitoring ispušta u otvoreni kanal.
- U odgoju dolazi do planiranog mortaliteta (uginuća životinja). Uginule životinje se isti dan odstranjuju iz objekta i otpremaju do hladnjače za privremeni smještaj, a potom specijaliziranim vozilom odvoze na stočno groblje Kalesija.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Bingo“ d.o.o. Tuzla, ispunio minimum uslova za izdavanje vodne dozvole za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta repro centra-odgoj roditeljskih jata i proizvodnju rasplodnih jata izgrađenih u naselju Vukovije Gornje, općina Kalesija, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.


Dostaviti:

- «Bingo» d.o.o. Tuzla, Bosanska Poljana bb, Tuzla (Prilog: Tehnička dokumentacija navedena pod tačkom B. obrazloženja Rješenja)

⊙ AVP Sava, ISV – Vodna knjiga

- Sektor 50

- Sektor 40, arhiva

- Oglasna tabla AVP-Sava Sarajevo